

船

山

詩

草

船山詩草卷九

遂寧 張問陶 仲治

羸車集

癸丑

登羸車作

正月十三日

夏傑造人輦羸車或可坐  
嬾騎長耳驢藉此安慵惰  
雙羸龐然來昂首矜負荷  
啟窗如八谷蓬篳瘦且橢  
家人可對面書卷雜堆垛  
小屋何搖搖誰推木蘭柁  
沙平蹄跡穩倚枕不愁墮  
差勝峽底舟蛟龍喜顛簸

四方舖

撲窗凍鳥暮依人野館荒涼負好春  
楚楚可憐松樹子有材無用只風塵

車中贈內

春衣互覆五更寒鈴語遙遙夢轉安  
一笑車箱穩如屋閉門終日坐相看

飄搖竹屋小窗明如此家居亦有情  
比似古人真俗煞鹿車何日竟歸耕

宿團林候館

鼠姑一芽圻春意遂沖融柳陌濛濛  
綠花枝繹繹紅市貧新酒薄州近亂  
山雄小坐招明月浮雲翳遠空

癸丑上元重過荆門州并遊蒙惠諸泉

趨庭曾過古蒙泉歲月茫茫十七年  
幾處人民能好在一廳松桂故依然  
來逢燈市兒童喜聽到官聲父老傳  
回首高堂天萬里望雲慚愧白華篇

養由基墓

在荆門西郭象山下

弧矢威天下在道不在器  
君看養由基執藝遂死藝  
空山埋大骨古塚譎真偽  
荒哉三千年何墳不平地  
射者殪以射傷人得天忌  
喜是楚忠臣強于有窮羿  
因憐古時人殺伐少奇計  
大車走且顛朴拙累兵氣  
戈矛競馳逐叫跳若遊戲  
一鏃偶通神陡有戰場利

何如後人巧韜鈴直焚棄爽朗用火攻一礮萬人斃  
斑竹塘車中

翁翁紅梅一樹春斑斑林竹萬枝新車中媚美材婆  
看筆底花濃醉墨勻理學傳應無我輩香奩詩好繼  
風人但教弄玉隨蕭史未厭年年踏軟塵

麗陽驛雨夜

麗陽古店土壁紅東連馬廐西牛宮一夜馬牛鳴不  
已宮聲甫歇羽聲起人獸偈仄俱可傷芻校餅餌同  
一房沈沈陰雨復愁絕笑之不哭真豪傑

樊城感舊

江頭繫馬再逢春舊夢如雲記不真勿勿尙疑前日  
事勞勞又是十年人重登峴首成今古每渡漁梁羨  
隱淪閒煞襄陽小兒女蹋歌看我只風塵

十九日發樊城遂宿呂堰驛

舊識中原路荊州接豫州重尋雙轍跡又費一春愁  
日氣重裘鬱天光萬木浮不羨亭上月今夕暫勾留

黃渠

浩浩黃渠北茫茫大野平風沙晁雲日墟落互陰晴  
天遠驟綱小春寒雁響清數帆斜掩處宛口十年情

涉白水

支離山下水如纈，  
皺東風飲馬中流綠。  
回頭落日紅春波，  
浮牒子老樹倚村翁。  
得得疲羸背無聊，  
羨短篷。

支離山一作政離山

新野城南花陂是陰麗華故居

水際多鴛鴦

少年虛願本來殊，  
竟闢南陽啓帝都。  
聚得麗華應一笑，  
作官何止執金吾。

美人家近貴人鄉，  
一片黃沙古戰場。  
却是花陂風景別，  
穀紋春水護鴛鴦。

南陽北新店題壁

野色開千畝，  
林光抱獨山。  
遠遊虛白日，  
久客改朱顏。

官冷行人笑才荒退筆閒詩名今漸悔舉酒謝雙鬢  
博望驛

河源萬里費搜求千古爭傳博望侯使者近從西極  
返崑崙還是水東頭

乘槎渺渺問星源閱盡犂軒與大宛地下張騫知得  
否近來西域是中原

裕州蘭香巖

神仙合是有情癡恨我空巖駐馬遲一片春雲還窈  
窕杜蘭香去未移時

裕州



莫倚晚晴好飛雲殊未還蒲衣趙河雨一面裕州山  
詩卷消清晝貂褕想舊班 皇都今不遠何日人刀  
環

北道懷船山

遼寧西山  
一名舟山

我本山中人說山不離口昏然來北道兀兀只飲酒  
草如破籠馬如狗偶遇青山必回首中原地大天無  
邊覓山不得愁可憐強從黑夜窺高樹堂密叢殘雜  
煙霧髣髴船山山下住

歸夢

獨樹店前風雨愁琤琮簷酒何時休生憎小婢如肉

却喜蠻奴真大牛馬糞焠焠在車下  
騾網濕濕堆  
牀頭此中歸夢轉超絕碧水丹山圍益州

玉喬

泠泠笙鶴滿緱山却弄雙鳧不有閒  
我亦神仙舊官府偶從飛雨過人間

葉縣

返照上東嶺雲山遞有無長征憂病馬  
古縣愛仙鳧  
民氣人人健方言日日殊汝濱東望好  
春色滿平蕪

景差祠

景差祠廟倚山雲一戰常疑史闕文  
想到周秦無措

大丈人何必不將軍

今武山有楚將軍景差祠見漁洋秦蜀驛程記

襄城

命駕襄之野遙遙望首山汝南雞未唱頰上月如環  
水繞崇邱去雲從少室還荒途迷七聖愁絕馬蹄間  
竟過軒轅國何年訪具茨地平千里豁天盡九山奇  
春及占新柳村荒半古祠自憐心力瘁漸減別家時  
汝穎雙流小彎環水上城人來隨候鴈風過想啼鶯  
月素晨光潤車安客夢平春農擔菜把一市綠雲晴  
野寺一叢塔城濠雨截船僧枯誰作佛魚餒尚論錢  
古樹禽聲絕長空日氣懸春山花繞郭歸思滿東川

頽上

措大趨時苦羸糧驅蹇羸壯心殊不已日飲歎無何  
遠道鄉愁窘中原古意多頽川名士盡春水自春波

河南道中與亥白兄言愁

事繁食少亦忘貧風馬雲車萬里身自署頭銜稱客  
子忍書心緒報家人憂勞祇藉詩爲戲作受方知世  
有因常笑生涯如遠道可憐還隔幾由旬

不敢呼人看眼光苦心收取管清狂風詩自古無庸  
蜀官隱從來只老莊白酒澆愁還此日青山理骨定  
何鄉南陽諸葛真痴絕却種成都十畝桑

溱洧

渙渙流溱洧春濃芍藥花國風才子筆上已美人車  
說懌拈彤管清揚詠舜華徒杠三尺水新柳亦天斜

新鄭謁子產祠

世亂全才少君兼將相功英雄無霸氣博雅見儒風  
東里文言遠諸侯問難窮馭民寬猛備吾道幾人同  
戰鬪兼供億誅求破膽寒公卿且貪酷民物久彫殘  
有齒焚身易成章製錦難仲尼說遺愛已作古人看  
岡嶺候館屏廚几榻皆斑竹作二絕誌之

誰結蒼梧竹萬枝一屏一榻費相思斑斑滿屋瀟湘

影翠袖天寒獨倚時

燈火熒熒照夜分  
碧紗窗底夢湘雲  
風塵莫歎居無  
竹一日關門看此君

渡河

千帆如葉影離迷  
廣武山頭草不齊  
太息滎陽三萬  
戶安危從古仗金堤

土峯端厚不矜奇  
一曲黃流萬頃陂  
却喜年來波浪  
穩無人投犬祭浮尼

劉固堤早食卽事

踏雪辭故鄉作客  
應已久時見跨驢  
人回鞭指新柳

汲縣懷古

酒池香暖玉杯新，妙有才情悅婦人。  
開出陳隋天子派，津津占得一家春。

一首賓筵醉後詩，仙仙猶寫舊丰姿。  
人生止酒談何易，周誥聲牙已費詞。

兒女私情比興殊，詩關君父費躊躇。  
顛頑祇作淫奔讀，天厄風人遇宋儒。

洪縣

傾囊雇直費青錢，難謝人間未了緣。  
小草出山堪一笑，太行迎我又三年。  
飢鳥啄土春田亢，新冢沿村老

婦眠何處寫憂尋檜楫滿身沙雨過淇泉

二月初三日宜溝味新月

新月哉生夜銀船閣翠虛一痕光不定千里夢何如  
驛路逢春少風簾望影疎常儀愁掩鏡閒煞王蟾蜍

魏家營

竟學文王死奇奸到魏公功多宜霸王才大亦英雄  
子有傳人在詩維變雅同少年讀書處精舍惜譙東

拾楊稊

傷河北  
飢也

拾楊稊老嫗苦綠墮閃爍如飢鼠人攄柳葉我無稊  
人斲柳皮我無斧楊稊拾得連沙煮衣厚編屋環堵



舊日田園足禾黍兩年不雨成焦上泣春田望春雨  
一影隨身行踽踽夜枕新墳哭兒女河北姬乃如許

過漳河

漳水千年在危橋六度過奔流如此急閱世自然多  
客久傷真氣天空許浩歌畿南足風景一曲小黃河

途中見桃花

射柳亭南路桃花紅映人故山千樹繞客舍一枝新  
溢水枯荷短磁州凍酒醇風沙三日曠難得片時春

初五日車中作

六尺羸車好閉門遠山頽淡了無痕九龍古道迷沙

兩一雁晴空下杜村人到邯鄲防惡夢客遊燕趙感  
私恩停驂欲問相如里車騎闕前落日昏

邯戰書雅存題壁詩後

君我聯吟直遊戲那知奇絕邇天忌笑煞燕南十萬  
人我來君去如相避牂牁萬里飛蠻煙把君之手須  
三年忽從破屋見神筆快然如獲珍珠船君不見邯  
鄲倡一生不愛狂生狂數錢夜抱豪奴宿白聖塗詩  
詩欲哭

宜溝行一首  
爲石灰所隱

馬耕

中原牛小馬助牛兩牛一馬耕平疇牛行苦緩馬行

急牛喘馬鳴聲欵欵扶犁健婦非孫陽一視牛驥無  
低昂道旁有人詫奇絕獨惜驂騮汗流血祇問潞水  
驢挽船如何猛馬能耕田世人少見遂多怪我笑先  
生只偏愛君不見去年西征抹梵王烏拉不足羊糞

糞

西域呼牛  
糞曰烏拉

正月初六日邯鄲阻雨

邯鄲黑夜雨不止行人嘆息居人喜行人一日小淹  
畱居人涓滴關生死君不見店前驛騎飛如矢疾雷  
一聲電光紫人馬歡騰報天子

邯鄲對雪同內子作

滿庭風絮點春痕  
客舍荒寒酒一樽  
記否去年花繞  
屋夜深烹雪不開門

黃梁夢鎮戲作

文武勲名好戲場  
偶耽聲色亦清狂  
若求夢裏春秋  
筆畢竟盧生不負唐

乍着朝衫瘦不支  
枕頭休笑客來遲  
十年走熟邯鄲  
道才到黃梁入夢時

奇才誰不望公卿  
已落人間合有情  
何苦瞞將真實  
語愛談蝴蝶媚莊生

論文八首

甘心腐臭不神奇字字尋源苦槩糜祇有聖人能杜  
撰憑空一畫愛庖犧

一代興圖妙斯新薄今愛古轉陳陳尋名枉受繙書  
苦亂寫齊秦誤後人

職官志表辨興亡忍署頭銜屬漢唐此事好奇奇不  
得特書人爵要遵王

識字何須問子雲強依篆隸轉紛紛寫書累煞諸名  
士搦管遲疑畫說文

箋註爭奇那得奇古人祇是性情詩可憐工部文章  
外幻出千家杜十姨

誌傳安能事事新須知載筆爲傳真平生頗笑抄譜  
手牽率今人合古人

詩中無我不如刪萬卷堆牀亦等閑莫學近來糊壁  
畫圖成剛道仿荆關

文場酸澀可憐傷訓詁艱難考訂忙別有詩人閉肺  
腑空靈不屬轉輪王

過沙河縣

平沙着雨馬蹄輕久客方知愛晚晴人過寒原高鳥  
覺夜來積雪遠山明斜陽破落餘霞斂老樹離奇百  
態生城郭村墟新綠好穿林時有叱牛聲

由大寧舖至栢鄉看遠山

萬峯明秀擁仙鬟返照瑩瑩雨後閒配出畫圖深淺  
色一層巒氣一層山

大石橋

趙州石橋如覆瓦橋上奔騰走車馬穹然跨水千餘  
年不崩不坼何其堅腴蹙翹疏千石逗庚庚攢插如  
相救更尋橋下細水渾舉頭錯愕疑龍門洞壁旁紐  
具偏勢曲而直體真能事宛如陵雲結構奇銖兩勻  
稱不可支何人執藝巧至此妙才爭說公輸子匠心  
復以靈異傳手痕跡跡膩可憐殘碑兀立勝遺老依

稀大業年間造誰其作者隋李春胸中躍躍工倅魏  
我欲臨流笑煬帝迷樓淫巧全無忌開河只愛幸江  
都才子能爲天子無道衡高頰頭相望合有奇人隱  
于匠君不見安民耻刻元祐碑氣節竟如皇甫規

樂城題壁

嶺梅知我別家時又見燕南柳萬枝篋底浣花箋紙  
盡亂塗泥壁草新詩

樂城眉山書院

趙郡樂城古三蘇有舊鄉人奇家亦好文在死無妨  
瘴海花豬肉眉州紗縠行大名垂宇宙隨地見祠堂



入蜀何年事三載賴此行弟兄名父子忠孝古人情  
健筆過先世斜川喜後生一門無俗物真是舉家清  
二月十二日十三日清風店記事

忽此醫巫集憂疑對藥鑪鵲飛還繞樹鳳落不成雛  
熱淚中年慣窮途一計無累人真自累何止愧妻孥  
方順橋夏氏樂志園小飲

亭池朴拙便清幽門外風塵萬古愁略領一年春氣  
息數枝紅杏在牆頭

曉過定興縣

一夕過微雨天畱昨夜雲月華沈水際花事負春分

雉堞參差見駝鈴遠近聞垂楊連涿鹿風影漸紛紛

船山詩草卷九

船山詩草卷九

船山詩草卷十

遂寧

張問陶

仲治

京朝集

癸丑

癸丑二月二十日入都後三日范攝生夫子  
筵上送王子卿歸江南

夢繞江南舊酒樓  
臨歧還爲故人留  
願君別後書千紙  
只寫青山莫寫愁

三月十日同笠帆鹿園遊棗花寺看花

花氣熏人日初午  
滿院蠶聲如急雨  
樓前老衲不逢

迎倚樹相看笑無語海棠開足一寺紅繞枝翁翁迎  
東風何人作意惱遊客補種文無花一叢撲簾幾點  
胭脂雪墮地無聲膩如血美人攜手坐花裯明日重  
來更奇絕

散館授職檢討

不敢臨風想做廬賢良門下拜官初買花舊藉芸香  
俸署券今真院體書已慣離鄉愁亦懶忽如流寓計  
應疎賦成從此無公事擬拓南園學種蔬

朱孝女詩

楚人事  
親不嫁

夷齊不出山園綺不仕漢後世功名人安知此勇斷

舉魚哭風樹王哀廢蓼莪終身父母身血性不可磨  
君不見戲綵之人卽巢許絕裾之人不伊呂丈夫高  
行自古難吁嗟乎朱孝女

題子靖長河脩禩圖

柳葉桃花任意開三年曾看釣魚臺君來我去全如  
夢莫問人生第幾回

一片閒愁喚不醒數行小序擬蘭亭仗他才子玲瓏  
筆濃抹山川寫性靈

夏日

濃睡欲忘曉身閒夢有餘病蘇長夏雨心急故鄉書

不出交遊減無財會計疎未知垂老日懶慢更何如  
椒畦病起與蒔塘亥白攜酒就松筠庵賀之  
即以送行

禪中作關鬼如蝨枕席衾裳聲瑟瑟打床一笑人夜  
驚病起維摩散花室先生骨瘦精氣全五指搨管期  
十年妙詩奇畫空餘子生作仙靈那能死宜南塵熱  
風沙沙中有我輩如煙霞關門且吸三鍾酒走筆還  
開數種花君不見大棺丹漆小棺白今年新鬼多于  
客白馬馱醫快欲飛黃金買藥輕如擲疫氣蒸人成  
毒霧昨日歌筵今日賻市上芻靈價已昂道傍乞丐

堆無數君獨抽身赴陵縣還鄉漸逐秋風便破帽籠頭去不辭一車生氣奔如電

送同年王禮部

治模

隨

蹕熱河

磊落王郎興欲飛門前裝重橐駝肥短衣躍馬隨雕輦要指神山看打圍

山莊清妙木蘭奇此去何曾算別離多少名王從列衛祠官珍重好威儀

詩情蓬勃滿雄關六月涼風最解顏帳落萬堆旗萬簇丹黃繡出塞門山

穿店橫街路不分官閒真欲嬾于雲此時午夢才伸

脚睡到重陽再訪君

送蒔塘

日夜相從混主賓閉門歡笑忘風塵  
幾經離聚交逾厚無可周旋意最真  
酒債因君增券紙醫方爲我活  
家人年年送別成何事買着青山便結鄰

夏至日作

一院晴光熱艱難夏日雲雨聲何處  
得詩筆此時焚大庇思奇樹長天滯  
夕曛東川舊茅屋風竹正紛紛

午門坐班

遂得好風收急雨一盃水鏡月光圓  
香衾乍醒三更



夢夜騎如行十里山未必有官皆俗物可知此坐是  
清班西池白鷺吾知汝拳足松梢日日閒

題邵嶼春

葆祺

詩後

妃紅儷白太紛紛伸紙如攻合格文我愛君詩無管  
束忽然兒女忽風雲

江南

吟情繚繞似春蠶花外牙檣柳外驂重檢紀游詩幾  
帙尙嫌此筆負江南

題武連聽雨圖王椒畦作

名流常恨不同時玉局黃門顧凱之輸我三人齊下

筆性情圖畫性情詩

百年離合短長吟恩愛增于閱歷深風雨對牀懷遠  
驛古人祇此弟兄心

夜雨泠泠畫武連王郎潑墨便天然從今兩幅鷺溪

絹竟作吾家故事傳

圖有二亥白  
一佛山一

不妨衣食老風塵詩酒清寒骨肉真畱得千年遺像  
在兒孫須仿畫中人

官菜園寓齋卽事

官園菜把亦虛名白草黃蘆接地生屋後遠山時露  
影窗前飛雨乍聞聲小齋欹枕容疎放長日垂簾少

送迎不爲朝參催夜起那知門外卽都城

武連聽雨圖成作詩寄壽門

長公同作客小弟獨持家不聽他鄉雨時乘下澤車  
有才供菽水無地治桑麻詩筆輸君好循咳補白華

三十生日

鄉山竟隔五千里人世俄來三十年未了一身詩酒  
債匆匆無暇作神仙

夏日過洪桐生寓齋

高樹覆亭池立石森然綠紅塵飛不來人境有清福  
疎簾蔭窗戶瀟灑三間屋客去酒自傾官閒書儘讀

散朝日無事晝枕奚值宿得此好園林強于饜梁肉  
和王鐵夫移居詩兼贈同門何工部道生蘭

士

披襟一笑心顏開王郎夫婦皆奇才王郎潦倒人不  
助解人獨有何工部宜南第宅如亂麻管絃酒肉爭  
喧譁梁鴻債廡全無地羞煞都城十萬家到門突兀  
見奇樹訪君恐爲當關誤霧閣雲房何處來何郎割  
宅王郎住開懷示我移居篇故人高義傳千年不妨  
家累隨楊朴自有黃金鑄浪仙我輩顛狂不草草天  
雷傲骨存交道牆頭過酒賭新詩如此因緣亦奇好

王郎王郎莫苦貧作詩好更驚天神君不見杜陵流  
寓依峩岷苦搜佳句悲沈淪草堂當日勞裴冕更起  
祠堂累後人

題法時帆

式善

前盤詩龕樹往園

兩峰羅

詩人作事何不可直使古人來見我詩龕無佛無雜  
賓落落晉唐三五人畫手得詩意筆墨皆精神陶公  
執卷足酒態數枝殘菊存天真王孟韋柳殊不死逸  
趣冷然滿一紙臨風拂拂古衣裳與公同龕稱弟子  
上下一千五百年義熙元和如眼前一人微笑五人  
喜此中妙悟能通禪吁嗟乎不寫性靈圖機巧從此

詩人賤于草君不見吞灰嘔血儘有人畫入詩龕應

絕倒

癸丑假滿來京師聞法麻子云同年洪編修  
亮吉寄書袁簡齋先生稱道子詩不置先生  
荅書曰吾年近八十可以死所以不死者以  
足下所云張君詩猶未見耳感先生斯語自  
檢已酉以來近作手寫一冊千里就正以音  
文字因緣書畢並上絕句一首先生名滿天  
下頌贊之詞日滿耳目此二十八字不過留  
爲吾家記事珠而已然他日有爲先生作誌

傳者欲形容先生愛才之心老而彌篤或卽  
引子此詩以爲佳證不又爲後人增一段詩  
話耶

先生八十方知我不死年年望寄詩疊紙細書三百  
首郵筒飛遞未應遲

題何蘭土方雪齋詩集

道生

同門何水部詩卷定流傳如我有奇氣與君俱少年  
應官公事急避俗道心堅不作文人想揮毫自灑然

題楊六士

夢符

授硯泣硯二圖

張應均錢維喬畫

森森滿紙皆風木拍拍驚鳥飛繞屋一株紅杏慘無

春如聞屋底孤兒哭孤兒抱硯常吞聲墨花凝血光  
瑩瑩率然開卷動顏色不呼不躍非人情一圖孝子  
心一二圖慈母淚不能文章能富貴生兒碌碌真何味  
先生嶽嶽龍鸞姿人閒萬口傳新詩忍從華髮爲郎  
日重想茅檐授硯時吁嗟乎張錢墨妙何其正寸指  
如神畫血性史筆吾能爲特書一家慈孝圖中定

王鍊夫同年

芑孫

墨琴女史夫婦寫余論文

詩西征曲合爲一卷見贈作詩答謝

楞伽山外出山雲寫韻軒中白練裘多少公卿求不  
得衛夫人與右將軍



奇韻亦畏人知尚記論文被酒時  
失喜王郎同肺臚一牋祇當寫君詩

西征笳鼓動邊愁舊句曾傳瀚海頭  
更仗簪花才女筆細書珍重寄千秋

十年無計遣詩魔自笑名場際遇多  
他日還山誇父老竟留此卷鎮三峩

代啟荅畢秋帆先生並上近詩一卷

尙書寄語太風流許我詩輕萬戶侯  
如此閒官儘無事一編詩就寄荊州

浣花孤抱向誰開玉局吟魂好再來  
從古詩人識忠

孝公卿何事不憐才

自磨碎墨寫天真知爲蒼生爲鬼神莫訝上書狂欲  
死東山李白是鄉人

謝宋芝山

襟淳

畫山水卽送其歸山西

宋公作畫力雄厚五嶽嶷然懸肘後贈我雲頭一角  
山丹青赭墨光爛斑山容怒蟠雷雨鬱疑有神蛟拔  
山出斷石騰波劃眼來筆鋒一掃紙生骨披圖六月  
風蓬蓬動搖破壁驚兒童知君歸夢日奇絕太行王  
屋填胸中今年燕市眞塵網溽暑淫霖都不爽安得  
攜豕入此圖坐聽老樹摩雲響宋公畫好人亦傳對

人落落無周旋授圖一笑得天趣草帽團團忽飛去  
六月二十八日偶與亥白兄過東讀畫樓與  
宋芝山同訪羅兩峰兩峰欣然拈筆取亥白  
兄手中扇寫墨蘭一叢相與誦芝山金塗塔

新詩而別

浮雲過太空無心忽相遇人生隨天機卽事有真趣  
芝山疎放如請仙兩峰老健如臞禪入門不用道名  
字詩情畫意同翩然京師六月無一可風沙撲人熱  
如火我嗜心骨自清涼何必解衣襜襜裸兩峰畫蘭  
十指香一花一葉思蕭湘芝山縱筆得古法奇篇壓

倒錢王塔墨香滿屋白日閒此時落落忘塵寰能從  
冷澹尋滋味還讓人間大小山君不見厰東厰西車  
馬集轅下疲騾聲歛歛數錢懷刺萬人忙汗雨淋頭  
有底急

官菜園寓齋屋後卽日偶然作

下窪暑雨滄作湖兒童爭浴如飛鳥層層高樹接城  
闕西山遠影青模糊白沙淺艸何空闊天光倒垂水  
光活一杯在手風翛然日聽涼蟬夜明月回首宣南  
塵鬱鬱此中清福無人奪吁嗟乎大隱何須謝簪笏

天壇訪鹿園

日午不知暑林密欲無路蟬聲如雨聲灑然風滿樹  
龐公頗好道借屋壇前住靜夜禮星辰中天月光素  
我來只飲酒捫虱談時務既醉使登車神仙何足慕  
遙題周春巖陸舫

亭池親見定何時想像園林且賦詩結崖如船山亦  
喜引泉得水月先知家姬爭種宜男草過客閒商打  
劫碁便擬卜鄰專一壺風塵回首悵歸期

一椽一瓦自經營整頓先廬又落成幾卷遺書猶好  
在百年死樹亦重生世家此事真難得我輩相看倍  
有情莫問東川舊茅屋危樓春盡綠蕪平

寄稚存

題詩無處能忘我對酒何時不憶君  
萬里長天如隔世兩枝健筆自凌雲  
祇期交道能千古莫縱名心到十分  
相士艱難同相馬孫陽一過要空羣

感事

伉直常懷仲夫子縱未知生喜問死  
頭冠雄雞佩假豚讀書不如事神鬼  
升堂共信無宿諾大言出口何曾惡  
子迂我野野且強不逢聖人安肯狂  
勇力沈沈怒于虎不登東山亦小魯  
負米曾傷君子窮絕糧不愠非英雄  
途窮反遭丈人笑忍貧難黍忘忠孝  
策名

何日登公朝。慙我仍逢公。伯秦斷頭不使冠。纓絕七  
十二賢無此血。世儒曲背誇中行。夢爭胙肉推顏曾。  
幾人得似東方朔。子路之言吾所服。

晨梳見白髮

數莖白髮那公道。三十年人都不饒。無補君親心悞  
悞。難爲生死夢。迢迢風沙眯眼家。千里塊磊填胸酒。  
一澆攬鏡自傷蒲柳質。日歸何日七星橋。

七月十九日得家書

蕭蕭歸夢五更寒。牋記都從枕上看。薄宦浮沈難進  
退。鄉書簡略爲平安。文章嬾曼辭三館。風雨蒼涼話

七盤不及故園人面竹一庭疎影自檀欒

七月二十日雨

一雨晝炎涼秋雲漏夕陽衣輕知暑退神健任天長  
檐鵲窺人喜瓶花撲案香垂簾待殘月歸夢滿匡牀

別官菜園寓齋

委巷衝泥去不還卜居遠近總塵寰全家本似蘆中  
雁一夜難忘屋後山累我殘書重捆載送人明月太  
蕭閒登車欲別增惆悵羸馬何年入劔關

七月二十二日自官菜園上街移居北半截

衡衡



菜園屋券價已昂我寧扣俸租官房欲移亦移愁不  
眠經營雇直囊無錢家具一車書一屋吾力猶能助  
童僕拔宅飛升直到天竒方恨未從前學東鄰借水  
車西鄰借轅駒平生命宮坐驛馬上與日月爭馳驅  
故國移居尙無數他鄉流寓知何處摩空鵬鷲趁秋  
風不截雲霓恐難住

題劉將軍小照卽以寄懷

時官浙江總兵

彈指五年別披圖意藹然公知濠上樂我夢剡中船  
魚釣有真趣文章無俗緣時平儒將喜何用畫凌煙  
連日與淵如鐵夫蘭士容堂飲酒餞亥白兄

還山

秋風吹我別君時，入骨離愁病不支。  
顛倒奇才齊痛飲，悲來難著送行詩。

過門車馬萬人忙，一世誰容醉後狂。  
文酒流連無惡客，好憑此語慰高堂。

送亥白兄出廣寧門

出峽橈聲急，穿雲閣道奇。  
不堪爲客久，又到送君時。  
紅樹迎新雨，青山想舊詩。  
歸逢嚴僕射，須問草堂貲。  
忍淚與君別，臨歧轉淡然。  
恐傷遊子意，難盡此生緣。  
貧極行藏外，心枯筆墨傳。  
武連聽雨處，何日對床眠。

十一夜對月懷多白兄

急柝迎風遠近聞  
青天無處著浮雲  
蘆溝橋外今宵月  
爲我相思獨照君

時恍前輩八月一日得子夢神人贈以桂之  
華因名曰桂馨同人既飲先生于陶然亭樂  
之以歌舞予復屬內子寫桂一枝爲賀意公  
子他日巍然成立爲一代偉人當日日奉斗  
酒慰勞吾夫婦也

詩人無俗事  
房帷有天趣  
中歲始生兒  
快如得奇句  
披襟一狂笑  
八月來春風  
舉觴酌明月  
一鏡光融融

嘉名亦天錫不費乃翁事前夜夢常儀凌風書桂字  
湯餅聚名輩笙歌遊名園醉聞木屏香四坐俱欣然  
我有畫眉妻天與生花筆臨摹廣寒宮一枝寫馨逸  
秋光豔黃雪絲葉何敷腴他年文字福視此天香圖  
圖成屬公題因公贈公子公子弄筆時開圖定歡喜  
得稚存書却寄

飽看天南十萬山旌旂影裏一身閒詩成日日災梨  
棗可有奇文化百蠻

贈李涪江

秉德

並索畫

涪江遂寧人今居蘇州子靜先生放人工

花卉俱奉內廷

縹緲問峩岷，慙然笑語親。  
我因懷蜀郡，君竟作吳人。  
塵海新謀面，門風舊比鄰。  
東坡住陽羨，此事亦前因。  
供奉君家事，詩奇畫亦奇。  
鄉人思李白，時手畏徐熙。  
妙筆傳千古，春風笑一枝。  
相如是同里，尺幅未應辭。

秋日

坐看涼月到深宵，鄉夢沈沈萬里遙。  
秋樹如人愁欲絕，寒花知我醉無聊。  
心空妄見憑真氣，詩敢危言託聖朝。  
明日出門須痛飲，酒壚隨意解金貂。

買山何日住東川，酒券醫方損俸錢。  
禿筆殘書官冷落，瘦妻嬌女病纏綿。  
半生傲骨禁秋氣，萬事輕心悔

少年剩此手中詩數卷墨光都藉性靈傳

題劉澄齋前輩寫齋

錫五

人門宛轉綠陰濃竹瓦參差更幾重花下有時畱醉  
客檐前何日補奇峰居能避俗胸彭澤口不談人阮  
嗣宗怪底近來詩思遠一枝紅蓼寫秋容

上范攝生夫子

參透塵緣夢亦清師恩轉不在科名錦囊詩苦憂長  
舌積鼻人窮歎馬卿爲惜雄心愁浩蕩儘容沈醉語  
縱橫歐陽永叔蘇和仲無此纏綿萬古情

羅兩峰墨幻圖

鬼國也

十二萬年若流水，髑髏滿地無靈鬼。  
朱棺黑夜響玲瑯，一束枯骸細于葦。  
人生苦肥死苦瘦，那有飛尸舞白晝。  
羅生醉眼發靈光，親見人間羣鬼鬪。  
狂來作畫滿一紙，毅魄強魂騰十指。  
嗚鉦吹角挺戈矛，不生氣以凶裸無恥。  
岡巒迴復多歧路，鬼有人心鬼應悟。  
夜臺得此好山川，何不呼羣畫中住。  
吁嗟乎一鬼一心爭狡獪，九十鬼中無我輩。  
與君他日聚重泉，好挈壺觴自成隊。

墨戲圖

鬼戲也

紗帽無光袍笏冷，鬼中畫出官人影。  
寶幢三五遙相

望生看鬼戲神揚揚大鬼如猿小鬼鼠隴索登場爭  
跳舞滿紙叻叻笑語聲死人大樂忘其苦股長脚硬  
行蹒跚千頭簇簇如星攢枯體背上青錢重魑魅賜  
中白酒寒羅生畫鬼眼如炬我喜拈毫作鬼語一時  
醉墨何清狂卷圖好贈遮須王

題秦小峴灑小照

蒲團小坐喜前因作佛都非佞佛人但對紅塵忘世  
味何妨華髮是官身悟來實相心逾妙畫出靈光筆  
有神卿法料應如我法只嫌虛妄不嫌真

九月九日畫菊數枝蟹數輩漫題一絕



秋夢初回酒一觴  
買花蒸蟹過重陽  
今年不作登高會  
怕有遙山似故鄉

聞言皋雲刑部

朝標

朱少白同年

錫庚

將赴

楊荔裳觀察

拏

之招戲簡一首

征西萬馬抹班禪  
橫槩題詩最少年  
纔著從軍新樂府  
又看持節古東川  
人傳才調真奇絕  
我亦鄉愁爲灑然  
明日歌筵如醉客  
可容鄭谷去貧緣

十九日同山尊習之質夫桐生出西直門遊  
極樂五塔萬壽諸寺歸與茶山申之蘭渚芷  
堂小集于飛鴻延年之室

出郭車聲遠疲驟喘夕陽黃金明塔影紅樹醉秋光  
僧富琳宮麗年豐水稻香平流雙鰈子風景似江鄉  
松老前朝寺霜凝昨夜花閉門千佛瘦堆院數峯斜  
碧瓦如天上紅闌忽水涯可憐三畝竹終日在風沙  
遂有他鄉感誰如我輩聞且來斟白酒何日買青山  
風雨家千里塵沙屋半間季鷹歸興好扶醉獨開顏

時山尊  
將南歸

秋俸新支得官錢足酒錢勝遊如短夢痛飲是奇緣  
醉覺情難盡詩愁妙不傳莫辭同點筆書破浣花箋

秋日東陽甫研農蘭士

滿甕醇醪手自攜一杯香冷菊花西風移落葉堆無  
定雲壓斜陽影漸低秋氣可憐清似水宦情祇好醉  
如泥城南酒伴皆鄰近正好同來劈蟹臍

六士卜居爛麵衚衕作詩賀之

通人不惜買山錢新置城南屋數椽我輩結鄰真妙  
事先生來住亦前緣交疎偏有知名客兒好強于負  
郭田從此年年詩酒興紫藤花外月如煙

屋券詩牋共一囊羨君才命不相妨庭前樹色居然  
好門外車塵爲底忙吳越燕秦勞去住文章歌舞耐  
清狂坐中我是無家客何日西歸築草堂

孫枳卿 樹木 明府往日官蜀自新津來攝吾

縣曾有一面之緣今年重聚京師門廬相望  
殆無日不過從也因作詩贈之

夜談渾忘月三更滿榻殘書最有情作吏還能親筆  
硯此才偏不到蓬瀛關心頗爲憂貧病對字何煩苦  
送迎笑看部人無愧色可知當日長官清

題沈硯畦 昭興 射獵圖

我初識君在錦里拍肩一笑稱知己醉後同彎兩石  
弓指示同輩誇英雄興酣直欲走天外妄語譎言都  
可愛縛袴還思作騎兵顛狂不是書生派前年將相

征西番從軍戈馬爭喧闐萬人裹糧向西走天空日  
落風蕭然是時君年二十六陰符一卷埋頭讀逼人  
英氣不可當擬執番酋食其肉幕府何人薦酒徒不  
飛不躍居成都雄心頗似昇平將遣興聊爲射獵圖  
今年攜圖過燕市都人咄咄驚豪士曹霸丹青亦可  
傳鬚眉不似神情似拂紙嶄然見頭角爽于九月摩  
天鵠馬後蠻奴結束奇揮鞭一過山魃伏君不見丈  
夫窮達皆天意肯將一世供遊戲頗怪尋常眼底兒  
儒書滿口無生氣方今四海同一天太平不用圖凌  
煙君身自有封侯骨珍重囊中寶劍篇

贈少白

奇字李陽冰清齋王右丞神情如靜穆風格自飛騰  
學道君何早逃禪我未能安心應有法不必問三乘  
舊識龐眉客新傳左手書論交名士盡佞佛美人疎  
對酒情猶熱撚花意有餘凌雲看異日爭薦馬相如

和王葑町絡諫

萬家車笠走風塵交到文章自有真容易及門收大  
將新充武會  
試考官最難刻燭聚通人搜羅酒戶科條密蹊  
躍騷壇壁壘新乘興他時能過我笑迎驄馬不辭頻

冬日何研農

道沖

李虛谷

如筠

王惕甫王延

庚蘇何蘭士結試律詩會成和楊甫韻二首

漫將雲路詡先登儘有神魚未化鵬七寶愧無脩月  
手一經猶戀讀書鐙非關結習除難盡還是文場事  
可憑莫厭眼前羹煮飯萬錢從古笑何曾

醉中伸紙墨如煙疎懶無如此少年敗筆一揮聊快  
意初心不負且隨緣仙山易養麤麤鶴急水難爭上  
下船或有孤寒猶待我冬烘遭罵亦忻然

冬夜

忍寒新典鷓鴣裘夢繞青山舊酒樓窗裏疎鐙窗外  
月夜深分影照鄉愁

黃葉二首和胡城東

唐

禁霜千樹老無名也似勞人過一生滿地綠雲如昨  
夢三春紅雨太多情高寒不解秋爲氣搖落方知夜  
有聲草木榮華能幾日山林著眼最分明

暮景飛騰補斷霞空林回首夕陽斜霜枝淡處三更  
月山果紅時數點鴉秋士將歸無氣色酒人垂老尚  
風華蠻奴縛帚童吹火插向荒園自煮茶

贈楊荔裳觀察卽送其之川北道任

天外飛書數異才軍容如火萬山開儒生筆墨英雄  
膽戈馬叢中百鍊來



窮邊回首望烏斯竟過斜陽未可知得句直題天盡  
處古人無此紀遊詩

萬里歸來笑拍肩重遊雲棧亦欣然東川節度行圍  
處祇隔神京路五千

潦草投詩氣不馴疎狂容我性情真鄉書醉嚇諸耆  
舊揚馬猶甘作部人

定有雄才靖百蠻一年來往劒門關三刀不作尋常  
夢魯領連雲十萬山

山村花柳悵歸期好句何如杜拾遺竟擬還鄉沽社  
酒也隨父老拜旌旗

梅花

一杯隨意臥煙霞爲汝名高酒易賒自誓冬心甘冷  
落漫憐疎影太橫斜得天氣足春無用出世情多鬢  
未華老死空山人不見也應強似洛陽花

野鶴閒雲寄此生暗香真到十分清轉憐桃李無顏  
色獨抱冰霜有性情贈我詩難應束手笑他人俗也  
知名開遲才覺春風煖先聽流鶯第一聲

花中資格木遲遲鐵石心腸淡可知此世何人能領  
略爲君終夜費相思看來風雪無多日香到園林第  
幾枝自是不開開便好清高從未合時宜

夢繞寒山月下村一枝相對且開樽繁華味短宜中  
酒攀折人多好閉門風信嚴時清有骨塵緣空後淡  
無痕從來不識司香尉只仗東皇雨露恩

銅瓶紙帳老因緣亂我鄉愁又幾年莫笑神情如靜  
女須知風骨是飛仙生來逸氣應無敵悟到真空信  
可憐世外清名原第一不修花史亦流傳

回首山林感舊蹤雪花吹影一重重記從驛使春前  
折又向瑤臺月下逢對客豈無能舞鶴賞心還是後  
彫松天人裝束天然好便買胭脂畫不濃

香雪濛濛月影殘抱琴深夜向誰彈閒中立品無人

丹言  
覺淡處逢時自古難到死還能留氣韻有情何忍笑  
酸寒天生不合尋常格莫與春花一例看

臘尾春頭放幾枝風霜雨露總無私美人遺世應如  
此明月前身未可知照影別開清淨相傳神難得性  
靈詩萬花何苦爭先後獨自能香亦有時

癸丑冬日哭楊六士

相看才幾日一別竟重泉死豈中年事詩憑異代傳  
宦情猶踴躍病味久纏綿忍聽西鄰哭霓旌暮颯然  
袖我新詩去猶題墨數行傷心成絕筆開卷歎重陽  
事近尤堪痛魂飛竟不防幽明彈指隔無怪酒人狂

新置城南宅房櫺護碧紗移片如夢影得句尙風華  
嗜飲憐犀首知音痛伯牙明年懷舊約誰忍看藤花  
科第艱難得文章簡練成人皆傷國土天每忌才名  
月冷虛堂掩風高老樹晴交期如未盡相見有來生

寄亥白兄兼懷彭十五

蕙支

風雪城南酒一鍾宦情如水不能濃詩來雲棧尤難  
和書對燈花未忍封世外鄉心真萬里枕邊歸夢忽  
千峯三閒廨舍依然在愁東頭陸士龍

夜窗乾死照書螢虛擬東方是歲星鬢影已無前日  
好眼光難爲俗人青我拚塵土填胸臆君有煙霞養

性靈更欲臨風問  
裴十故山近臘可溫經

冬日遣懷

今古茫茫貉一邱  
功名常笑爛羊頭  
戲拈銀筆傳高士  
醉擲金貂上酒樓  
未老已沾秋氣味  
有生如被夢勾留  
此身可是無仙骨  
石火光中鬧不休

題邊頤公畫浴雁

一雁浴秋水衝波  
如有聲風霜畱片影  
湖海見深情  
寒葦猶相拂潛魚  
莫浪驚從來飛動意  
原不在能鳴  
十一月二十九日京師始雪卽事

不爲風塵苦安知雪有情  
關河應一色耳目喜雙清

高穎此時寂小窗終夜明閉門無箇事忘我在都城  
冬日追悼傷女枝秀女卒于八月二十二日  
百藥無功病可憐尙疑小影坐鏡前中秋明月重陽  
雨一度回頭一惘然

病不服藥

升天入地總無奇幾卷方書萬古疑二十九年生不  
易百將性命付庸醫

題愚亭

智瑩

受之

問形

雨弟洛陽倡和詩後

積雪堆門未掃除翩然一紙洛陽書人因久別情難  
盡詩有聯吟我不如舊夢迷離攜手處閒官消息受

恩初憑君爲弔長沙傅絳灌無交計本疎

冬日寓齋卽事

當門高樹漏斜陽恰對天西是故鄉  
眼底風塵綠未了意中山水夢難忘  
癡僮瘦僕神先去病大疲驪氣不揚  
若使隨身無德曜清寒何異贊公房

保此清銜過百年散朝時拂沈花箋能從日下關門  
坐祇當山中曝背眠得句儘教新婦寫安貧妄被俗  
人憐何須捫虱談時務正好深參不語禪

臘八日謝朱尊一

錫爵

同年贈紅白盆梅二

株



雪後梅花任意開  
閉門誰爲遣春來  
乍親香色驚奇  
夢如向風塵得異才  
竹竈餘溫添臘酒  
盆山小影媚  
冰苔從今坐看窗  
前月一日思君一百回

題牡丹卷子

燒根急火漫相催  
好待清明穀雨來  
只與山梅爭第一  
春前甘讓百花開

簇起深紅倚玉欄  
一生開落不知寒  
金花賤寫清平  
樂誰道詩人際遇難

贈方葆巖

雜句  
光祿

樓船東渡伏波營  
笳馬西通舍衛城  
萬里飛賤極天

海少年辛苦到公卿  
墨磨盾鼻朝馳檄  
采浙矛頭夜擁兵  
一卷陰符三尺劍  
不教容易副科名

刀韃影裏探詩囊  
翰墨場兼戰馬場  
太保家風原磊落  
書生武備不張皇  
文章早挾英雄氣  
襁褓曾依日月光  
何意高軒能過我  
論交偏愛酒人狂

贈徐石溪

兩生

停車縈手細論文  
竟體芳蘭秀出羣  
柱史張蒼終勝我  
美人鄒忌可如君  
詩名定豔雙鬟口  
書品新誅白練裘  
自檢錦囊應一笑  
也防采筆要凌雲

除夜五鼓將入朝  
獨坐口號

分明昨夜燈猶在忽被人呼作去年卽此眼前真箇  
語也通詩境也通禪

船山詩草卷十

船山詩草

卷十